



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

02-50-1  
R.02/10.

PRIMLJENO: 19.02.2010

Organizovana jedinica	Klasifikovana oznaka	Radni broj	Broj priloga
02-50-1		16-40/09	

Broj:08-50-591/2010  
Sarajevo, 10. februar 2010. godine

PARLAMENTARNA SKUPŠTINA BIH  
DOM NARODA

**Predmet: Odgovor na izaslaničko pitanje izaslanika Ive Mire Jovića**

**Veza Vaš broj: 02-50-1-16-40/09 od 30.12.2009. godine**

Štovani gospodine Jović,

Dopisom broj i datum gornji, dostavili ste Visokom sudbenom i tužiteljskom vijeću Bosne i Hercegovine (u daljnjem tekstu: VSTV) upit u svezi primjene odredbe članka 2. stavak 1. Zakona o izmjenama i dopunama Zakona o kaznenom postupku Bosne i Hercegovine („Službeni glasnik Bosne i Hercegovine“, broj 93/09), kojim je u članku 45. stavak 6. Zakona o kaznenom postupku Bosne i Hercegovine propisano da u situaciji kada osumnjičeni odnosno optuženi sam ne odabere branitelja sa predočene liste, branitelja će postaviti Sud „redosljedom s liste odvjetnika“. Konkretnije, upit se odnosio na to da li su podzakonski akti o sudbenom poslovanju izmijenjeni sukladno ovoj odredbi.

Povodom postavljenog izaslaničkog upita, VSTV se ovim putem izjašnjava kako slijedi:

Sud Bosne i Hercegovine je na Općoj sjednici održanoj 30. lipnja 2005. godine, na temelju Zakona o Sudu Bosne i Hercegovine usvojio **Dodatna pravila postupanja za branitelje koji postupaju pred Odjelom I i Odjelom II Krivičnog odjeljenja i Odjelom I i Odjelom II Apelacionog odjeljenja Suda Bosne i Hercegovine** (u daljnjem tekstu: Dodatna pravila). Ova pravila su stupila na snagu 7. srpnja 2005. godine.

U članku 4.1. stavak 3. Dodatnih pravila propisano je sljedeće:

„Ukoliko osumnjičeni ili optuženi ne odabere ili ne predloži branitelja po svom izboru, tada, **sukladno člancima 45. i 46. ZKP-a**, sudac za prethodni postupak, sudac za prethodno saslušanje, sudac, odnosno predsjednik vijeća može:

- dodijeliti slobodnog branitelja sa liste; ili
- privremeno dodijeliti slobodnog branitelja sa liste; ili
- privremeno dodijeliti nekog drugog branitelja na period ne duži od trideset dana.“

Listu ovlaštenih odvjetnika prema Dodatnim pravilima (članak 3.1.) vodi i ažurira Odsjek Kaznene odbrane (OKO), koji istu dostavlja predsjedniku Suda Bosne i Hercegovine.

**Dakle, što se konkretnog izaslaničkog upita tiče, gore citirani članak 4.1. stavak 3. Dodatnih pravila sadrži upućujuću odredbu kojom se utvrđuje obveza Suda da**

**odjeljivanje branitelja osumnjičenom, odnosno optuženom, vrši sukladno članku 45. i 46. Zakona o kaznenom postupku Bosne i Hercegovine, a prema važećem tekstu.**

Sa štovanjem,



Predsjednik

Milorad Novković

Kopiju dostaviti:  
- Kabinet VSTV-a